

Espresso

Wolfgang Ambros

Heit sitz i wieda im Espresso
Wie jedn Tag so um hoib via
Und woat, dass si vielleicht wos tuat
Weu i mi goa so fadisier

Es is kana do, den wos i kenn
I hoi ma de Zeitung und les de Kuitur
Schau noch, wos neichs im Kino spüt
Und frog an, wie spät's is, weu i hob ka Uhr

De Zeit vageht, jetzt sitz i scho
Beim zweitn Bier, beim viert'n Tschick
I druck wos in die Musikbox
Und gib ma de Kommerzmusik

A Madl kummt und wü a Feia

I schau ma's o, se is net zwida
Sie zünd si ihr Zigarett'n au
Sogt: "Dank da schön!" und locht mi au
Und schleicht sie wieder

Najo, i wea jetzt, glaub i, gehn
I zoi, steh auf und ziag mein Mantl au
Und denk ma no, vielleicht is de, de wos ka Feia ghobt hod
Muagn a wieda do ...

Weu do sitz i wieder im Espresso
Wie jedn Tag so um hoib via
Und woat, dass si vielleicht wos tuat
Weu i mi goa so fadisier